

DE O-Nealis qui se Vltonia Dominos venditare, me dicturum modo innui, & de rebellionibus ab ipsis nostro seculo concitatis summo amico me scripturum jampridem promisi; & promissi sane constantiam tuebor Diis Manibus illius quem vivum contui, & jam calo receptum aeternum meminero. Hoc solum prefatus, quæcunque scripsero non ex incertis per circulos rumoribus, aut è trivio relationibus, sed ex ipsis eorum autographis qui rebus præfuerunt & interfuerunt summam esse deprompta: idque tam sincero veritatis studio, & fide adeo integra, ut non dubitem quin à veritatis cultoribus, & qui Hibernica plerisque ignota scire avert, gratiam ineam; & in reprehensiones non incurram nisi apud illos qui cum male fecerint, male audire submoleste ferunt & indignantur.

O - N E A L I,

E T

Eorum nostro tempore rebelliones.

DE Nealo Magno qui in Vltonia, & magna Hibernia parte ante adventum S. Patricii vi & armis rerum potitus erat, deque intermediiis quorum subobscura est memoria, ut taceam. Hæc familia ab Anglorum in Hiberniam ingressu obscurior latuit, nisi cum Edwardus Brus Scotus se Regem Hiberniæ dixerit. Tunc enim tempore turbulentio Dovenaldus O-Neale è latebris emersit, & in literis ad Pontificem Romanum datis hoc usus est titulus; Dovenaldus O-Neal Rex Vltoniæ ac totius Hibernie hereditario jure verus hæres: sed tumultu sedato Rex iste novus mox disparuit, posterique delituerunt donec Anglia feralibus bellorum facibus inter Lancastrenses & Eboracenses de imperio decertantes inflammata, Angli qui hic militarunt Vltonia relicta & O-Neals in custodiam commissa, domum ad partium duces reverterentur. Tunc enim Henricus O-Neal filius Oeni sive Eugenii O-Neal filiam Thomæ Comitis Kildariæ, & ejus filius Con-More, id est, Conus Magnus, Geraldi Comitis Kildariæ filiam matris neptem duxit, Kildariensiumque Comitum potentia & autoritate subnixi, (qui plures sane annos rerum summæ in Hibernia præfuerunt) caput altius exeruerunt, acerba in populum tyrannide grassantes, & insolenti fastidio elati Principum, Ducum, Marchionum, Comitum titulos præ nomine O-Neal designati. Conus Coni filius cognomento Bacco, id est Claudus patri dignitate O-Neal successit, qui suis posteris male imprecatus si vel Anglice loqui disserent, vel triticum sererent, vel ædes extruerent, sollicito timore ne Angli his invitamentis in suos agros pellicerentur. Hujus potentia cum Regi Henrico

Scoto-
Chroni-
con lib.
12. c. 26.

Primus
Comes
Tir-Oen.

Octavo esset suspectior, & Rex jam conculta Kildariensi familia, cuius rebellioni se immiscuerat, ipsi etiam esset formidabilis, in Angliam venit, nomineque O-Neal renunciato, Regi omnia sua in manus tradidit, quæ mox Diplomate sub magno Angliæ figillo ut beneficiarius recepit cum titulo Comitis Tir-Oen, sibi & Matthæo filio falso credito, corumque de corpore hæredibus legitime procreatibus; Matthæusque eodem tempore Baro de Dunganon fuit creatus. Hic usque ad decimum quintum ætatis annum filius fabri ferrarii Dundalkiensis habitus, à fabri uxore quondam Coni amasia, Cono pro filio oblatus, & ab eodem filii loco acceptus erat, posthabito Ioanine (Shan illi vocant) cum aliis quos ex legitima uxore progenuerat, Shanus animus hinc subito cum nothum sibi prælatum, & eo honoris eventum videret, à patre omnino erat aversus, odioque maximo cum acerbissimo dissidio in Matthæum ita flagravit, ut è medio sustulerit, patremque indignis injuriis adeo affixerit, dominatu, sedibus & fortunis ejicere conatus, ut senex mœrore gravissimo confectus vita excesserit. Statimque Shanus electus & acclamatus O-Neal paternam adiit hæreditatem, filiosque Matthæi ut ab illis esset securus sedulo perquisivit, sed illi fuga elapsi. Brianus tamen filius natu maximus haud multo post à MacDonell Totan ex O-Nealorum stirpe, authore (ut ferunt) Shano, occisus. Hugo, & Cormacus Anglorum beneficio evaserunt, & adhuc supervent. Rerum sic Shanus potitus, homo crudelitate barbarus, importunam in Vltoniæ proceres tyrannidem exercere incepit, & MacGennys, MacGuir, MacMahon, O'Realy, O'Hanlon, O'Cahan, MacBrien, O'Hagan, O'Quin, MacCanna, MacCartan, MacDonell Galloglassum suos esse subditos gloriatus.

Shanus fi-
ve Ioan-
nes O-
Neal.

Cum